

Press Advisory

May 29, 2007

Contact:

+670 729 5051

Vidal Campos Magno

Labarik sira iha prizaun mehi ba futuru ne'ebe diak

Dili, Timor-Leste – Ba Futuru ho Pradet halao dadaun actividades rehabilitasaun liu husi edukasaun transformasaun artes konaba rezolusaun konflitu no direitus umanus ho labarik tinan 18 mai kraik ne'ebe maka iha tiha ona prizaun Becora.

Grupu ba labarik nain 9 iha prizaun sei remata treinamentu fulan tolu husi Ba Futuru konaba Programa Transformasaun Artes no Edukasaun Direitus Umanus, iha loron 30 fulan Maiu. Okaziaun ida ne'e relasi ona ho Loron Internasional / Nasionalba Labarik nian ne'ebe maka monu iha loron 1 fulan Juñu. Loron Internasional / Nasional ba Labarik hanesan selebrasaun iha mundu atu hasa'e ba publiku hodi hatene konaba importansia salvasaun ou protesaun diak ba labarik sira. Iha okaziaun ida ne'e Dr. Jose Ramos Horta sei fahe sertifikadua no fornese sira nia presiza konaba saude nian iha prizaun hodi komemora sira nia servisu makas, no fo marka ba sira atu promove dame.

Vidal Campos Magno, pesoal dinamiku ida husi **Ba Futuru**, fasilita tiha ona actividades kada loron kuarta durante fulan 3 hamutuk ho Evelio Antonio de Sousa ho Luisa Marçal de Jesus husi **Pradet** atu emprega labarik sira ne'ebe hadadur ona ho actividades konstruktivu atu azuda prosesu difikuldade ne'ebe sira esperiensa, no fo kbi'it ba sira ho skill foun no matenek ba labarik sira atu bele hari'i futuru ne'ebe naroman ba sira-an rasik no sira nia comunidade.

Campos husi Ba Futuru fo relatoriu, "hau hare'e tiha ona sira iha mudansa – iha loron primeiru hau ba iha prizaun hau hare'e sira iha sentimentu trauma, tristi no dalaruma nervosu; agora sira senti kontenti. Entre sira nain 9 ne'e ida fo hatene mai hau, 'ita bo'ot halo ami haksolok liu husi actividades oioin, wainhira hau fila fali ba uma hau sei implementa iha hau nia moris loro-loron nomos hau sei fahe buat ne'ebe maka ami aprende tiha ona ba kolega sira seluk."

Campos mos fo reportazen, hau fiar katak edukasaun ne'ebe maka oferese husi Ba Futuru liu husi programa TAHRE bele azuda labarik sira iha Prizaun atu redus sira nia sentimentu negativu nomos atu tulun sira hare'e ba realidade ne'ebe maka sira hasoru iha prizaun. Liu husi programa ne'e sira nia prespektiva ba sira nia moris troka ona, sira aprende tiha ona konaba suporta malu ne'ebe diak no koperasaun ba malu, ne'ebe sei azuda sira atu hetan futuru ne'ebe naroman wainhira sira fila ba uma.

Ba Futuru hanesan ONG local estabesele iha Timor-Leste iha tinan 2004. Tinan ne'e Ba Futuru's At-Risk Children's Project simu tiha ona suporta husi Concern, Embaisador Australia, Save the Children Sweden, Friends of Idlewild Stables, UNICEF, Silverton Foundation no Lonely Planet. Ba Futuru servisu tiha ona ho ema 10,000 ne'ebe Afeita konflitu, vulnerable, Labarik iha Risku no foinsae sira atu fornese edukasaun ba sira atu bele alkansa sira nia potensial nakonu no hetan fali sentidu konfidensia iha futuru.

Presiza informasaun seluk konaba Ba Futuru favor visita visit www.bafuturu.org.

BA FUTURU
Rua Vila Verde
Dili, TIMOR LESTE
+670 3322437
bafuturu@bafuturu.org
www.bafuturu.org